

民國上海縣志卷十六

藝術

鄭嘉榮

秦乃歌

曹耀鑣

子基增 姪櫛

沈兆沅

趙履綏

沈思義

聶友樵

曹華

嚴家鼎

陳廷誥

秦鐸

趙森高

應斗橋

顧大綱

楊孝福

子以培

張世鑣

姪汝南

曹鉅

潘錫魁

上海縣志

卷十六

火榮業

陸鵬

沈廷奎

嚴兆楞

倪心元

薛貴良

諸步階

胡振懿

王萃仁

張瀚

張思倫

子士奇

鄭嘉榮字鞠初德鍾

見續志

子道光咸豐時方崇尙科舉獨棄帖括究實

學邃算術精理化測驗機器之理無不洞悉同治四年始入江南製

造局規畫工程及船廠事九年李鴻章調赴北洋光緒十五年提調

天津機器局二十二年提調津蘆鐵路二十六年拳匪亂作路燬南

歸經辦龍華子藥廠二十七年赴北洋辦硝二十九年春又辦硝北

上留充銀元局提調旋改幫辦三十二年幫辦北洋機器局三十三年坐辦勸業鐵工廠至冬假歸三十四年任製造局總稽查宣統二年總辦金陵製造局三年十月返滬民國元年冬卒自同治四年迄宣統三年先後任局廠事四十五年實事求是無仕宦氣習於德州兵工廠鍊鋼事苦心經營而不食其報性廉介不苟取任龍華子藥廠時廠中公物狼藉委地絲毫無所沾潤咸豐中辦清丈時持尋常堪輿家所用羅盤環行上海城堞且行且繪迨經一周相差僅銖黍測繪之精可見一斑嘗自以少讀書爲憾事衣冠質樸議論篤實有古人風

秦乃歌

見續志選舉表

字又詞榮光

見續志

弟姿稟穎慧能讀書耽風雅書法娟秀

畫撫南田詩得漁洋法乳間填小令步武夢窗篆刻取法宣和而所

上海縣志

卷十六

作不自惜多散佚洪楊亂平人民逸豫里中少年爭集絲竹角棋酒六博以爲樂乃歌藝輒冠其曹耦間又飼鴿養金魚妙悟物情獨得蕃息旋卽棄去性瀟灑出塵不凝滯於物中年因母病研求醫藥上探靈素下參修園洄溪諸說嘗舉傷寒論溫病條辨兩書反覆考索豁然貫通處方治病輒應手奏效有乞診者觸寒暑冒風雨徒步往視之效不索酬酬亦不盡受鄉人德之

曹耀鑣字子蘭樹李

見前志

子承家學善畫花卉人物兼工傳神子基增

號藝心善山水刻畫工細又精用器畫爲英工部局繪圖員三十餘年耀鑣基增先後任曹氏正副族長整理祠產悉心擘畫族人咸重之基增族兄櫨號桂巖洪學曾孫晟子

洪學晟見同治志

善畫松竹菊花精鑿

別且善琴惟不肯輕繪酬以資亦不受故遺墨甚鮮

沈兆沅字蘭淑號小竹畫家沈兆涵心海之弟與徐祥

見續志

湯經常

見續志

游寓 爲莫逆交故所作書畫得力於兩人之指授而獲其神祕善寫

照獨出心裁以筆硬鈎神情逼肖繪事餘間並精音律

趙履綏字月生三林塘人邑庠生工醫而不求名其初鎮人未之知也

及滬醫王萃祥

續志藝術有傳

來鎮治病評鎮上諸醫方履綏爲冠名遂大噪

卒年七十四

沈思義號子蘭三林塘人健談豪飲善奕祖裕功父湘春均業醫思義

於婦科尤所擅長子麗生亦行醫早卒思義令長孫隨侍盡以其道

傳之世承醫業今爲五世醫家云

聶友樵閔行鄉三十一圖人幼從潔水渡外科蕭秋山習醫盡得其術

求治立愈貧者並不受酬以故門庭若市民國二年卒

上海縣志

卷十六

三一

曹華字蟠根受學於錢惠安

見續志

華工畫人物仕女慧安門下多高才

而於華稱許獨至民國二年卒年六十七

嚴家鼎字鼎臣馬橋人性聰穎少嗜學師事鈕翰童召南清光緒九年

入邑庠二十八年與周宗瑜奚佐湯翔辦正蒙初等小學堂於時風

氣未開咸詫爲異各地私塾尤竭力沮撓家鼎志不稍衰自任教員

講解詳悉來學者衆由此而躡升中學者頗多處事精密跬步不苟

能繪事諳音律少與鈕永建張國維等結算術社究心疇人之學朝

夕切磋學業益進平居無疾言厲色偶遇橫逆從容以理析之人無

不翕服民國二年夏卒

陳廷誥字履墀世居北橋亦保

續志藝術有傳

孫邑庠生先耀子廷誥早孤母潘

氏續志列女有傳教養成立母死哀毀骨立嘗語人曰科舉非經世學遂棄父

業承祖業行醫擅傷寒一科不計酬亦不求名光緒三十三年八月應塘灣鄉董孫望山聘歸途在鸞湖廟陡遇疾風猛雨雷電頻臨震斃轎夫二人廷誥端坐轎中初不覺猶語之曰狂風大雨中何停轎路旁耶自後盛稱爲天打郎中

俗指醫生

名益噪民國二年卒

秦鐸字子明居三林塘六圖精內外科其拔疔膏有神效家無恒產歲助慈善捐費必三四百圓夏施暑藥設醫局冬施衣米棺木每歲無間所居曰壺隱山房屋前後徧植花木與江甯黃文濤兄弟爲莫逆交逢令節備筵邀諸名士飲酒各酬以詩輯惠我好音集一册晚年入周浦輔化壇爲壇弟子冠歲助壇貲亦三四百圓自奉菲薄歲入悉付善舉無有吝色民國五年卒

趙森高字沐三三林塘人善畫墨梅傳神酷肖族姪承毅

原名承烈

號也鐵

上海縣志

卷十六

四

工山水人物且精鐵筆

應斗橋北橋人堪輿家文烈之子數世擅此業斗橋相地但取無妨礙者卽勸人速葬嘗曰福地全憑心地無事多求也工書畫能詩善鐵筆

顧大綱字賓谷世居蒲淞市之江橋鄉少嗜學邁兵燹不廢誦讀先後從寶山王笏同邑侯敞游王工書侯兼詩書畫三絕皆一時知名士大綱日被薰陶所學益進年二十三入邑庠後舍儒就賈以鹽菜油坊致贏羨妻顏氏善治稼穡家業日裕江橋顧氏世業醫曾祖沁庵祖維新父錫榮皆以醫名於時大綱博讀羣書復承家學研究有得則小試之往返眞茹南翔間寒暑無間活人甚衆五十歲後被選爲江橋鄉會長者三蒲淞市議長者再地方公益規畫秩然生平習勤

崇儉不以境遇而異民國六年卒

楊孝福字竹孫忠長子幼善制舉文屢試不售改習醫審脈審理必求至當研治女科應手輒效子以培字蔭莊從寶山名醫馬逢伯游克承家學

張世鑣字景和號鑲雲晚年更號冰壺麟祥

見續志

四子生而穎異讀書

過目成誦性誠篤年十三父卒悲痛若成人恬淡寡欲不樂仕進以家世業醫遂寢饋於靈樞素問諸書朝夕鑽研不數載出而問世處方如老吏斷獄時下咸驚異之先是父麟祥兄世臻世煜俱以醫名世鑣益專其學術愈精名愈盛中歲耳聾佐以傳聲筒診時應症處方不爽毫髮凡婦孺走卒遐邇人士咸尊以張聾而不名黎明卽起督子若孫悉心臨診門以內至庭除間屏息待診者恒肩摩無隙地

取值甚微病者依次坐不設拔號特診之例然見急病亟趨前先診一洗時醫陋習貧者不特却其酬且轉給以藥資富者延診酬金或從豐則色不豫顧寓滬名公巨卿耳其名多樂就之其於致病原因率直言不爲諱人服其應驗亦怡然受之光緒之季廣徵天下名醫有司舉以進世鑣以親老道遠辭不應召人益高之平時待人和煦藹然可親然處家一衷於禮母顧氏年八十餘疾革率諸子席地宿棺旁少子微坐是得寒疾致不起後生舉止一不中禮則作色讓之不稍假借故一家服御儉素若窶人而慷慨仗義以緩急告無不援手疏戚遠族恩義備至敬宗收族視爲己任斥資重建宗祠置祭器撰碑記訂條規至嚴猶太國人哈同建園林於湧泉浜購民田數百畝五世祖墓適當其衝欲強購之峻拒園主無以難卒爲闢路設門

祭掃無阻春秋祭祀渡浦遠行雖風雨疾病無間晚年於淞南築淞
隱補讀廬雜蒔花木時或習靜翛然物外有隱君子風焉光緒中以
治滬軍營兵士病不取酬獎都司職光緒二十六年順直助賑晉游
擊銜復以孫慶增貴封通奉大夫於民國十四年卒年七十一姪汝
南字衡山叔世鑣既以醫名於時汝南能世其業治疾有奇驗慷慨
任俠貧者踵門告貸恒斥資不責償邑中目爲善士天性純孝母徐
病劇嘗刲臂侍奉病日以瘳邑人奇其行上陳當道以孝子請旌光
緒二十年得旨報可學使龍湛霖獎給采蘭藝黍額卒祀孝弟祠

曹鉅號鐵卿垂燦八世孫鑿孫

垂燦鑿均見前志

世承家學精堪輿不泥成法以

爲福地不如心地故相度陰陽但求無所妨礙而已爲人精明幹練
嫻習禮俗親族吉凶之事恒代爲經紀鉅族兄鍾爽號約溪邑庠生

樹淦

見前志

曾孫亦精堪輿術絲毫不苟遠近爭延致之

潘錫魁字壽祺邑庠生原籍寶山父梅生業醫家於滬遂占籍焉錫魁
能醫曾愈肺癆而不索酬任崇正北官塾教習兼任六塾音樂體操
教員性謹厚董節孝祠嘗編節孝彙姓

火榮業字迪生世居三林塘沈毅端謹好學深思弱冠肄業江南製造

局廣方言館時南滙賈步緯

續志游寓有傳

爲教習專授天文曆象之學榮業

從之游其爲學目不旁視心不分神所得獨出儕輩上步緯門徒雖
衆而通其術者僅榮業一人步緯譯航海通書年成一册供南北洋
兵輪之用榮業助譯無一字錯誤復時從徐家滙天文臺諸教士討
論故於氣象學別具心得光緒十六年測繪南滙縣全圖二十八年
測繪上虞縣圖二十年製造局總辦劉麒祥於廣方言館別設天文

專科延步緯爲總教習聘榮業爲之副數十寒暑循循善誘一時嚆
人子弟蔚起二十二年鄂督張文襄延主兩湖經心兩書院教授天
文迭電相邀以母老事繁辭不應聘仍居上海與賈步緯譯航海通
書及增廣每秒爲率之八綫對數表交食引蒙躔離引蒙等書步緯
歿卽繼其席輯則梅山房使用通書以竟其志迨辛亥政變浩然有
歸田志隱居造曆不問世事鼎革後改用西曆營業編曆仍偏重夏
正使農不失時人咸稱便性孝友束修所入悉以奉母昆弟雍睦無
間言民國九年卒遠近交游無不惋惜天算之學自此成廣陵散矣
陸鵬字子萬錢慧安弟子工人物仕女兼善漢隸仿楊峴民國十年卒
沈廷奎字庾梅洋涇市沈家弄人幼有大志世承家學不屑治舉業專
攻醫學鑒於近代西醫頗有發明除研究中醫外兼肄業中日醫學

校得醫學學士位任松軍軍醫科長并在鄉里施醫給藥以救貧病
會鄉有針灸某庸而時者也鄰人患痧延某針治庾梅在旁質之曰
凡用針須旋而進亦旋而出此何理也某瞠目不能答庾梅曰針細
而滑旋則不傷腠理汝爲針科尙不知此理乎某赧然鼠竄而去自
此歛跡其見解越人如此著有沈氏醫學彙書五卷積勞致疾賚志
而歿年三十四

嚴兆楞字淡人少席豐厚中年鑽研方書遂以醫名與張思臻

見續志
藝術

善

因得其傳兼擅內外科所治輒效不計診金貧者更却其酬

倪心元洋涇鎮東四十八圖人好讀書隱於醫處方尤爲詳慎恒語人
曰治病先不求有功但求無過常品亦能治病不必輕投猛劑也遇
貧病輒徒步往從不計酬人稱長者卒年六十七

薛貴良三林鎮北薛家橋人身極短小精拳術有鐵腿壁虎等功又勤練諸武器非遇橫暴從不以技炫人洪楊之亂充周浦團練局副營教師曾隨邑令劉郇膏禦賊於南橋晚年授徒鄉里人以其行八羣呼爲八先生徒中傳其術者南匯鞠茂堂烏泥涇廟陳勞國最著諸步階以字行洋涇區之諸家宅人爲名醫諸煥章之曾孫少羸弱六歲未能步履及長爲醫一反時醫敷延之習或補或瀉每能起死回生對於藥性多所發明如謂黃連能治百病石膏止吐大黃止血之類診務之暇從事鍛鍊身體柔弱之軀轉爲強健中年後潛心佛學朝夕諷經雖年屆杖國望之如五十許人民國十五年夏冒暑出診罹疫卒享年七十有一

胡振懿胡巷人玉樹

續志有傳

之曾伯祖也有勇力少時與梅炳同習武術

上海縣志

卷十六

梅身體矯健能攝身梁上人不之見振懿軀壯而力強兩足尤亢健雖重逾三百斤之石以足踢之能飛舞數十步外衆皆駭愕晨夕練習至老不衰與梅炳交甚篤炳嘗授徒爲生里中有嫉之者嗾使諸徒匿修金弗予炳聞之急邀振懿至偕行至徒家振懿見東壁有石重數百斤舉足踢之石遂遠飛徒懼遂納修金其後振懿壽至八十一炳亦七十餘二人俱以武術傳世云

王萃仁

字蕉聲又字某申別號綠天居士

新橋人附貢生性情和易敦樸篤學種蕉數十本

暇輒摘葉習字六書篆隸尤擅勝場習畫於侯梅衫得神似鐵筆有秦漢遺風壯歲遷葺城與楊兆椿耿道冲輩善結社倡酬彙成碧紗籠初二兩集又繪種蕉學書圖三十餘幅題詞百餘章愛古錢精鑒別得秦漢前眞品十餘事珍如琪璧非同嗜者不輕示手錄吳鈞選

錢齋筆記薛氏家藏錢譜萬子照古金錄陸次雲刀布泉范胡助樵
峯泉志張林叟泉錄紺珠室泉圖洪氏泉志董氏泉譜凡三十餘卷
每篇末恒參以己意光緒三十三年卒

張瀚字秋菴善畫墨蘭精外科尤工書法相傳文星閣上之人物權衡
額爲十六歲時所書

張思倫字敍堂號彝齋居三十保陶家橋監生精外科設診所於關渡
浦南口畜馬代步有患癰疽經久不愈病勢垂危者思倫一治輒效
人呼爲張仙人子士奇一名泰字鍾英號菊池奎文閣典籍少攻舉業
試輒前列後病心悸改治醫應手輒效同治三年秋寇平疫作遠近
競延診治士奇憫貧苦者多徒步赴病家竟以奔走勞悴卒